

Na osnovu člana 8. Zakona o principima lokalne samouprave („Službene novine F BiH“, broj 49/06), člana 3. Zakona o komunalnim djelatnostima („Službeni list SR BiH“, broj 20/90) i člana 91. Statuta Općine Travnik („Službene novine Općine Travnik“, broj 11/05-prečišćeni tekst), a u vezi sa članom 3. Odluke o komunalnom redu („Službene novine općine Travnik“ broj 18/09), Općinsko vijeće Travnik, na sjednici održanoj, dana 2010.godine, **d o n o s i**

**ODLUKU
O KOMUNALNOM REDU NA PODRUČJU TURISTIČKOG NASELJA „BABANOVAC“
(NACRT)**

I. OPĆE ODREDBE

Član 1.

Ovom se Odlukom propisuje komunalni red i mjere za njegovo provođenje na području turističkog naselja „Babanovac“, Gornja Šišava, Gostilj i Galica (u daljem tekstu: SRC „Babanovac“).

Komunalni red propisan ovom Odlukom obavezan je za sva pravna i fizička lica na području koje obuhvata zoning plan „Vlašić“ .

Član 2.

Ovom Odlukom propisano je: uređenje naselja, korištenje, održavanje i čuvanje javnih površina, skupljanje, odvoz i postupanje sa komunalnim otpadom, uklanjanje snijega i leda, uklanjanje nezakonito postavljenih predmeta, sanitarne mjere uređenja naselja, usluge vodosnabdjevanja i upravljanja otpadnim vodama, saobraćaj na skijalištima, mjere za provođenje odluke i kazne za učinjene prekršaje.

Član 3.

Pod javnim površinama u smislu ove Odluke smatraju se:

1. Javna saobraćajna površina: ulica, cesta, trg, prolaz, javno stepenište, most, parkiralište, trotoar, pješačka staza, stajalište javnog prijevoza i slične površine koje se koriste za saobraćaj po bilo kojoj osnovi,
2. Javna zelena površina: park, park-šuma, drvored, živica, cvijetni rasadnik, travnjak, skupina ili pojedinačno samoniklo stablo, posuda s ukrasnim biljem, dječje igrališta kao i drugi oblici vrtnog i parkovnog oblikovanja koji nisu proglašeni zaštićenim djelovima prirode, rekreaciona površina, zelena površina uz cestu u naselju, zelena površina uz javni objekat i slična površina,
3. Dijelovi javnih cesta koje prolaze kroz naselje,
4. Površine na kojima se pružaju usluge obavljanja prometa životnim namirnicama i drugim proizvodima.

Član 4.

Pod predmetima u smislu ove Odluke smatraju se pokretne stvari koje se mogu premjestiti s jednog mjesta na drugo, a da im se ne povrijedi bit (supstanca) i predmeti koji nemaju građevinskog dijela ili nisu ugrađeni u podlogu.

Pod predmetima iz stava 1. ovoga člana, smatraju se:

1. kiosk, kao prenosiva, tipizirana jednodimenzionalna jedinica proizvedena od ovlaštenog proizvođača, čije se postavljanje na terenu izvodi sa suhom montažom na odgovarajuću podlogu, te podrazumijeva mogućnost premještanja i uklanjanja s lokacije u jednom djelu,
2. montažni objekt koji svojom namjenom, veličinom, oblikovanjem, te montažom i suhom izvedbom nosivog konstruktivnog sistema predstavlja građevinu privremenog karaktera, koja podrazumijeva mogućnost demontaže, premještanja i uklanjanja s lokacije,
3. stolovi, stolice, suncobrani, tende i druga oprema koja se koristi na ugostiteljskim terasama,
4. pokretna radnja, kao prostorno nezavisna i prenosiva jedinica (u pravilu na točkovima),
5. uslužna naprava (automat, hladnjak, vaga, peć za pečenje kestena, kokica i slično),
6. naprava za zabavu (uređaj predviđen za zabavu djece i odraslih - voz, vrtuljak, jastuk za skakanje, karting staza i slično, kao i drugi uređaji u sastavu zabavnog parka),
7. štand (tipiziran kao prenosivi element, predviđen za stalnu, povremenu ili prigodnu uličnu prodaju),
8. transparenti, jarboli za zastave, metalni nosači za konzolne reklame, plastične reklame, oglasne ploče, oglasni stupovi, oglasni ormarići te druge slične naprave i uređaji za isticanje reklamnih poruka i oglašavanje,
9. komunalna oprema, objekti i uređaji (korpe za smeće, klupe za sjedenje, protivpožarni hidranti itd.).

Vlasnici, odnosno korisnici predmeta iz stava 1. ovoga člana, dužni su iste održavati urednim i čistim, te u stanju funkcionalne sposobnosti, a isti se mogu postavljati na lokacije samo pod uslovima datim u rješenju o urbanističkoj saglasnosti koje izdaje Služba za urbanizam, građenje, katastar i imovinsko-pravne poslove (u daljem tekstu: Služba za urbanizam).

II. UREĐENJE NASELJA

Člana 5.

Pod uređenjem SRC „Babanovac“ u smislu ove Odluke smatra se uređenje vanjskih dijelova individualnih stambenih objekata, vikend objekata i apartmanskih zgrada (u daljnjem tekstu: zgrada), privrednih i ugostiteljskih objekata, okućnica i okoliša zgrada, ograda, izloga, reklama, natpisa, javne rasvjete i komunalnih objekata, kao i održavanje javnih površina.

Član 6.

Nazive ulica, trgova, parkova i naselja na području SRC „Babanovac“ utvrđuje Općinsko vijeće Travnik.

Nazivi iz stava 1. trebaju biti istaknuti na vidljivim mjestima.

Nabavku, postavljanje i održavanje ploča sa nazivima vrši Služba za zajedničke i komunalne poslove (u daljem tekstu: Služba za ZIK), putem preduzeća SRC „Vlašić“ d.o.o. Travnik (u daljem tekstu: SRC „Vlašić“).

Ploče sa nazivima nabavlja Služba za ZIK, a troškove nabavke, postavljanja i održavanja natpisnih ploča snosi Općina Travnik.

Član 7.

Svaka zgrada treba biti obilježena kućnim brojem, kojeg utvrđuje Služba za ZiK, u saradnji sa SRC „Vlašić“.

Izgled pločice sa kućnim brojem utvrdit će se posebnim aktom načelnika Općine Travnik.

Nabavku, postavljanje i održavanje pločice s kućnim brojem vrši vlasnik, odnosno suvlasnik zgrade o svome trošku.

1. Uređenje vanjskih dijelova zgrade

Član 8.

Vanjski dijelovi zgrade (fasada, balkon, terasa, lođa, ulazna vrata, prozor, podrumski otvor, i drugi vanjski uređaji i oprema) moraju biti uredni i čisti, a oštećenja na istima se moraju blagovremeno popraviti.

Vanjski uređaji i oprema izvan gabarita zgrade moraju biti postavljeni, tako da ne ometaju pješački saobraćaj i da ne smanjuju preglednost u saobraćaju.

Vlasnici i korisnici zgrada dužni su voditi brigu o izgledu i čistoći vanjskih dijelova zgrada, te ih ukrašavati ukrasnim biljem.

Po vanjskim dijelovima zgrada zabranjeno je šarati, crtati ili ih na drugi način prljati i narušavati im izgled.

Član 9.

Zgrada koja svojim izgledom zbog oštećenja ili dotrajalosti vanjskih dijelova narušava opći izgled mora se urediti u toku godine u kojoj je to utvrđeno, a najkasnije u roku od 12 (dvanaest) mjeseci.

Vlasnik nedovršene zgrade na kojoj se duže od 12 (dvanaest) mjeseci ne izvode radovi s ciljem završetka iste, dužan je na adekvatan način izvršiti zatvaranje otvora, očistiti dvorište i ukloniti neugrađeni građevinski materijal.

Član 10.

Vlasnik i korisnik zgrade i građevinskog zemljišta, dužan je održavati okućnicu odnosno okoliš zgrade, uključujući i ogradu prema javnoj površini, koja ne smije ometati korištenje javne saobraćajne površine.

Za uređenje okućnice/okoliša vlasnik zgrade dužan je pribaviti urbanističku saglasnost od Službe za urbanizam.

Na nekretninama koje su vidljive s javne površine nije dozvoljeno drobljenje tehničkog kamena, skladištenje, kao ni odlaganje građevinskog i drugog krupnog materijala.

Vlasnik odnosno korisnik nekretnine iz stava 1. ovoga člana, dužan je podrezivati zelenilo zasađeno u dvorištu koje svojim granama prelazi na javnu saobraćajnu površinu, tako da omogući nesmetan prolaz pješaka i vozila, dobru preglednost saobraćajnica, te turističke i saobraćajne signalizacije i objekata javne rasvjete.

Član 11.

Izlozi u poslovnim prostorima trebaju biti uredni i čisti, osvijetljeni i primjereno dekorisani.

Izlog u smislu stava 1. ovoga člana čini zastakljeni otvor u zidovima zgrade i izložbeni ormarić koji služi javnom izlaganju robe ili koji služi za obavljanje djelatnosti.

Za vrijeme državnih praznika i manifestacija u organizaciji Općine Travnik, izlozi moraju biti prigodno dekorisani, a na objektima mora biti istaknuta državna zastava Bosne i Hercegovine.

Zastave, transparenti i drugi prigodni natpisi ili ukrasi koji se postavljaju na zgradama, moraju biti uredni i čisti, te se trebaju ukloniti u roku od 24 (dvadeset četiri) sata nakon prestanka razloga zbog kog su postavljeni.

2. Komunalna oprema, stajališta javnog prijevoza i javna parkirališta

Član 12.

Na području SRC „Babanovac“ postavljanje skulptura i drugih sličnih ukrasnih objekata dozvoljeno je samo uz posebno odobrenje Službe za urbanizam i na mjestima gdje svojim izgledom uljepšavaju okoliš.

Skulpture i drugi slični ukrasni predmeti moraju biti ispravni i uredni.

Član 13.

Javne telefonske govornice i poštanski sanduci mogu se postavljati na važnijim raskrscima.

Javne telefonske govornice i poštanske sanduke postavljaju nadležna preduzeća koja su u obavezi telefonske govornice i poštanske sanduke održavati u ispravnom stanju, te kvarove uklanjati u najkraćem mogućem vremenu.

Član 14.

Zabranjeno je komunalne objekte i uređaje u općoj upotrebi uništavati, oštećivati te po njima šarati, crtati ili ih na drugi način prljati.

Član 15.

Davanje u zakup javnih površina s utvrđenom obavezom njihova održavanja u urednom i ispravnom stanju, utvrđuje se posebnom odlukom.

Član 16.

Ovlašteno preduzeće koje vrši poslove komunalnih usluga dužno je održavati čistim i u stanju funkcionalne sposobnosti klupe, korpe za otpad, opremu dječjih igrališta, stajališta javnog prijevoza, spomenike i skulpture, table sa planovima općine ili naselja i druge slične predmete ili objekte koji predstavljaju komunalnu opremu, a nalaze se na javnim površinama.

Komunalnu opremu iz stava 1. ovoga člana nije dozvoljeno uništavati, oštećivati te po njoj šarati ili je na drugi način prljati ili narušavati.

Član 17.

Na području SRC „Babanovac“ nije dozvoljeno postavljanje hemijskog montažnog WC, na javnim površinama, kao ni na privatnim posjedima.

Član 18.

Stajališta javnog prijevoza, u pravilu trebaju biti natkrivena i opremljena klupama.

Stajališta javnog prijevoza moraju se održavati urednim i ispravnim, a svako oštećenje tog prostora mora biti u najkraćem roku uklonjeno.

Na stajalištima javnog prijevoza zabranjeno je postavljanje plakata.

Na stajalištima se postavljaju korpe za smeće i ističe red vožnje, a isticanje reda vožnje vrši preduzeće koje obavlja usluge javnog prijevoza.

Korpe za smeće postavlja Općina putem SRC „Vlašić“, koji ih održavaju urednim i čistim.

Član 19.

Održavanje javnih parkirališta uređeno je posebnom odlukom Općinskog vjeća Travnik.

Održavanje javnih parkirališta na području SRC „Babanovac“ i vršenje naplate usluga parkiranja vrši SRC „Vlašić“, preduzeće koje je ovlašteno za pružanje komunalnih odluka na području SRC „Babanovac“.

3. Uređenje ograde, vrta, voćnjaka i slične površine

Član 20.

Postavljanje ograda na privatnim i javnim površinama može se vršiti samo uz predhodno pribavljenu urbanističku saglasnost od Službe za urbanizam.

Ograda na privatnoj površini mora biti izgrađena tako da se uklapa u okolni izgled dijela naselja.

Ograda uz javnu površinu mora biti izrađena tako da se uklapa u okoliš, vodeći računa o planinskom ambijentu i ne smije biti izvedena od bodljikave žice, šiljaka i slično.

Pravno ili fizičko lice dužno je ogradu uz javnu površinu koju koristi održavati urednom, tako da ista ne predstavlja opasnost za prolaznike.

Stablo, ograda od ukrasne živice i drugo zelenilo uz javnu saobraćajnu površinu mora se uredno održavati i najmanje 2 (dva) puta godišnje obrezati, tako da ne prelazi regulacijsku liniju na javnu saobraćajnu površinu i da ne ometa vidljivost i preglednost u saobraćaju.

4. Javna rasvjeta

Član 21.

Javne površine moraju imati javnu rasvjetu.

Javna rasvjeta mora biti izvedena u skladu sa savremenom svjetlosnom tehnikom, uzimajući u obzir značaj pojedinih dijelova naselja i pojedinih javnih površina, saobraćaja i potreba građana.

Intenzitet i režim osvijetljenja usklađuje se sa planiranim sredstvima i stvarnim potrebama pojedinih dijelova SRC „Babanovac“.

Član 22.

Pravno ili fizičko lice koje u ime Općine Travnik vrši održavanje javne rasvjete dužno je u skladu sa raspoloživim budžetskim sredstvima održavati objekte i uređaje javne rasvjete u stanju funkcionalne sposobnosti, i ista treba da svijetli tokom cjele noći.

Član 23.

Na objekte javne rasvjete ne smije se vršiti postavljanje oglasa, obavijesti, reklama i sl.

Izuzetno korištenje uređaja javne rasvjete za postavljanje predmeta čija je svrha isticanje reklamnih poruka, moguće je samo na osnovu odobrenja Službe za urbanizam.

Zabranjeno je oštećivanje rasvjetnih tijela i uređaja javne rasvjete.

Član 24.

Vrijeme uključivanja i isključivanja javne rasvjete treba se uskladiti sa godišnjim dobima i atmosferskim prilikama.

U slučaju potrebe za štednjom električne energije ili u drugim vanrednim okolnostima, posebnom odlukom Općinskog načelnika utvrditi će se minimum potreba osiguranja javne rasvjete.

III. KORIŠTENJE JAVNIH POVRŠINA

Član 25.

Predmeti iz člana 4. stava 2. ove Odluke smiju biti postavljeni na javnoj površini (javne saobraćajne površine i javne zelene površine) isključivo na lokaciji određenoj rješenjem Službe za urbanizam.

Član 26.

Javna površina smije se koristiti samo u svrhu za koju je namijenjena.

Vlasnik ili korisnik zelene površine ili pojedinačnog objekta zelenila, obavezan je brinuti se za isti, vršiti obnovu, obrezivanje i prehranjivanje drveća, cvjetnih gređica i travnjaka, održavanje i obnovu cesta i staza, objekata, uređaja i ostale opreme, čišćenja cjelokupne zelene površine, čuvanje od oštećenja, zaštitu od bolesti i štetočina, zaštitu od mehaničkih oštećenja i slično.

Član 27.

Na javnoj površini mogu se postavljati posude s ukrasnim biljem na osnovu rješenja Službe za urbanizam.

Vlasnik je obavezan održavati, nadopunjavati, obnavljati i čistiti postavljenu posudu s ukrasnim biljem, u protivnom obavezan je istu ukloniti po nalogu Službe za inspekcijski nadzor Općine Travnik.

Član 28.

Unutar javne površine dozvoljeno je postavljanje električnih, telefonskih, vodovodnih, kanalizacijskih i plinskih instalacija, uz prethodno pribavljeno odobrenje Službe za urbanizam i uz saglasnost preduzeća koje gazduje ovim prostorom, uz obavezu izvođača radova da korištenu javnu površinu dovede u prvobitno stanje.

Ukoliko izvođač radova korištenu površinu u predviđenom roku ne dovede u prvobitno stanje, učinit će to Služba za ZiK, na trošak tog izvođača radova.

Na javnoj površini ne smiju se postavljati okna podzemnih instalacija, osim instalacija koje služe toj javnoj površini, a temelji stuba tih vodova ne smiju biti vidljivi.

Član 29.

Bez odobrenja nadležne službe Općine Travnik ili nadležnog ministarstva SBK/KSB zabranjeno je na javnoj zelenoj površini :

1. rezanje grana i vrhova, obaranje i uklanjanje drveća, te vađenje panjeva,
2. prekopavanje javne zelene površine,
3. postavljanje bilo kakvih objekata, uređaja, naprava, reklamnih panoa i slično,
4. kampovanje

Odobrenje iz stava 1. ovog člana obavezno sadrži uslove pod kojima se mogu obavljati radovi i koristiti dijelovi javne površine.

Član 30.

Radi zaštite javne zelene površine, zabranjuje se:

1. rezanje i skidanje granja i vrhova s ukrasnog drveća i grmlja,
2. guljenje kore stabala, zasjecanje, zarezivanje, savijanje, trganje, zabadanje noževa, zabijanje eksera, stavljanje plakata i slično, bušenje, gaženje te drugo oštećivanje drveća, grmlja i živica,
3. penjanje po drveću,
4. neovlašteno skidanje plodova s drveća i grmlja, trganje i branje cvijeća, vađenje cvjetnih i travnatih busenova, te kidanje grana s grmlja i drveća,
5. neovlašteno sakupljanje i odnošenje suhog granja, kore isl.,
6. branje zakonom zaštićenog i ostalog bilja,
7. kopanje i odnošenje zemlje, humusa i bilja,

8. bacanje papira i otpadaka, smeća, piljevine, pepela, odrezanog šiblja, granja i njihovo paljenje,
9. dovođenje i puštanje životinja,
10. oštećivanje ili izvaljivanje stabala i grmlja, oštećivanje stabala raznim materijalima prilikom gradnje, istovara i dopreme građevinskog materijala, drva, uglja i dr.,
11. oštećivanje oprema (npr: most, ograda, ogradnog stubić i žica, sto, sklonište, sprava za igru djece, hranilište, korpa za otpatke, vod, sanitarni uređaj, uređaj javne rasvjete), te njihovo prljanje,
12. ispuštanje otpadnih voda, kiselina, motornih ulja i svako njeno zagađivanje,
13. loženje vatre i potpaljivanje stabala,
14. rezanje odnosno prekidanje korijena stabala,
15. poduzimanje zahvata koji mogu izazvati stvaranje klizišta na području koje nije utvrđeno posebnim propisima kao erozivno područje,
17. pranje vozila,
18. iskrcavanje i skladištenje raznog materijala (ogrijevno drvo, ugalj, otpadno drva, željezo, lim, tehnički građevinski kamen i sl.),
19. protivpravno prisvajanje,
20. hvatanje i uznemiravanje ptica i ostalih životinja,
21. nenamjensko korištenje i oštećivanje opreme.

Zabranjeno je sječenje, kresanje i uklanjanje rijetkog ili za ovu regiju karakterističnog, a hortikulturno vrijednog drveća bez odobrenja Službe za urbanizam.

Član 31.

Prostorno-planskom dokumentacijom utvrđuju se područja namijenjena za uređenje nove zelene površine i određuje pojas zaštitnog zelenila.

Prilikom utvrđivanja namjene površina u fazi izrade prostornog plana i regulacionih planova, ne može se uređena zelena površina na bilo kojem području predvidjeti za druge namjene, ukoliko za to ne postoje posebno opravdani razlozi i ukoliko se na području za koje se vrši izrada prostornog plana i regulacionog plana, u istoj površini ne predvidi uređenje novih zelenih površina.

Član 32.

Javna površina oblikuje se na osnovu odobrenog projekta od strane nadležne službe.

Prilikom projektovanja novih javnih površina ili objekata gdje se nalaze pojedinačna ili skupina stabala, ista se moraju sačuvati i predvidjeti u projektu, gdje god je to moguće.

Zabranjena je promjena namjene javne površine, bez odobrenja Službe za urbanizam i odobrenog projekta.

Član 33.

Kod izgradnje novog građevinskog objekta, investitor je obavezan urediti okoliš objekta koji je predviđen kao javna površina, prema utvrđenim uslovima uređenja prostora .

Prilikom gradnje objekta, izvođač je obavezan sačuvati postojeću javnu površinu kod polaganja podzemnih komunalnih instalacija od oštećenja, i to tako da se debla stabala oblože od početka krošnje oplatama koje ne smiju biti bliže od 15 (petnaest) centimetara od kore stabla.

Prekop za podzemne komunalne instalacije mora biti udaljen najmanje 2 (dva) metra od debla pojedinog stabla.

Član 34.

Ako investitor ili izvođač građevinskih radova prilikom izgradnje novih i rekonstrukcije postojećeg objekta, postavljanja naprava, uređaja i instalacija uništi ili ošteti postojeću javnu površinu, obavezan je nadoknaditi puni iznos troškova za vraćanje oštećene i uništene javne površine u prvobitno stanje.

Otklanjanje svih oštećenja i ponovno uređenje vrši Služba za ZiK, o trošku izvođača građevinskih radova iz prethodnog stava.

Vlasnik, odnosno korisnik građevinskog objekta izgrađenog prema odobrenom projektu, ne smije na bilo koji način bitno mijenjati izgled uređenog okoliša, bez odobrenja Službe za urbanizam.

Član 35.

Služba za inspekcijski nadzor rješenjem će narediti vlasniku odnosno korisniku javne površine, uklanjanje osušenog ili bolesnog stabla ili samo grana, koje bi svojim rušenjem, odnosno padom moglo ugroziti bezbjednost ljudi, saobraćaja, objekata i slično, tek nakon što pribavi saglasnost nadležnog ministarstva SBK/KSB.

Ukoliko vlasnik, odnosno korisnik ne postupi po rješenju iz prethodnog stava, uklanjanje stabala ili grana izvršit će Služba za ZiK, na prijedlog Službe za Inspekcijski nadzor, a na trošak korisnika odnosno vlasnika zelene površine.

Svaku štetu koja nastane rušenjem stabla ili grane, dužan je nadoknaditi vlasnik odnosno korisnik.

Služba za inspekcijski nadzor Općine Travnik će postupiti na način iz stava 1. ovog člana i u slučaju kada pojedino stablo ugrožava bezbjednost objekta (potkopavanje temelja, podizanje asfaltnog sloja na saobraćajnici ili drugog čvrstog sloja na susjednoj parceli i slično).

Član 36.

Na javnim površinama koja je namijenjena široj upotrebi mora na vidnom mjestu biti istaknuta ploča koja sadrži odredbe o održavanju reda, čistoće, zaštite i dr.

Član 37.

Ako se na javnoj površini održava javna priredba ili skup, organizator priredbe ili skupa dužan je u roku od 48 (četrdeset osam) sati po završetku priredbe odnosno skupa očistiti javnu površinu i prilaz istoj.

Član 38.

Na području SRC „Babanovac“ zabranjeno je postavljanje promotivnog materijala u vrijeme predizborne kampanje.

1. Otvorena prodaja

Član 39.

Lokacije za prodaju na otvorenim prostorima određuje Služba za urbanizam.

Prodaja na otvorenom iz stava 1.ovog člana može imati samo privremeni karakter, i u svrhu sajмова i izložbi .

Zabranjena je prodaja svih prehrambenih proizvoda na otvorenom.

Član 40.

Po isteku vremena određenog za prodaju, korisnik lokacije za otvorenu prodaju obavezan je s lokacije u roku 1 (jednog) sata ukloniti sve klupe i druge pokretne naprave.

Član 41.

Na javnim površinama je zabranjena prodaja ili izlaganje proizvoda, suvenira, iznajmljivanje sportske i rekreativne opreme na otvorenom, osim ako isto pravo nije utvrđeno u skladu sa stavom 1. i 2. člana 39. ove Odluke i nije organizovana u okviru sajma ili izložbe.

Ukoliko prodavač ne postupi po zapisniku Službe za inspekcijski nadzor o uklanjanju proizvoda, odmah će se privremeno oduzeti prehrambena roba s mogućnošću preuzimanja robe u roku od 24 (dvadeset) sata i plaćanja nastalih troškova, a u protivnom se ista uništava.

Neprehrambena roba se privremeno oduzima s mogućnošću preuzimanja robe u roku od 8 (osam) dana i s plaćanjem nastalih troškova, a u protivnom se ista prodaje na javnom nadmetanju radi podmirenja nastalih troškova.

Lokaciju za čuvanje robe iz stava 2. i stava 3. ove Odluke odrediće posebnim aktom načelnik općine, na prijedlog Službe za urbanizam.

2. Vrijeme izvođenja građevinskih radova

Član 42.

Od 1. decembra tekuće godine do kraja februara naredne godine zabranjuje se izvođenje građevinskih radova.

Van perioda koji je naveden u stavu 1. zabranjuje se izvođenje građevinskih radova vikendom (subota i nedelja) i praznicima.

Ova zabrana se ne odnosi na gradnju javnih infrastrukturnih objekata.

Do kraja novembra izvođač radova je u obavezi izvršiti uklanjanje građevinskog otpada i skela, očistiti gradilište i uredno složiti neutrošeni građevinski materijal .

3. Istovar, utovar i smještaj materijala na javnoj površini

Član 43.

Za istovar, utovar, smještaj građevinskog materijala, podizanje skela, popravke vanjskih dijelova zgrade i slične radove koji služe građevinskoj namjeni prvenstveno se mora koristiti vanjsko zemljište uz objekat.

U opravdanim slučajevima mogu se za potrebe iz prethodnog stava privremeno koristiti javna površina ili neizgrađeno građevinsko zemljište.

Odobrenje za korištenje javnih površina iz predhodnog stava izdaje izvođačima odnosno investitorima radova Služba za urbanizam.

Kod izvođenja radova iz stava 1. ovog člana zauzeti dio javne površine mora se ograditi urednom ogradom.

Građevinski materijal mora biti složen uredno tako da se ne rasipa i da ne sprječava oticanje oborinskih voda .

Ako se građevinski materijal odlaže u blizini stabala, stabla se moraju zaštititi tako da se deblo stabla obloži oplatom koje ne smiju biti bliže od 15 (petnaest) centimetara kori stabla.

Član 44.

Za vrijeme obavljanja radova iz člana 43. ove Odluke izvođač mora preduzeti sve propisane i uobičajene mjere bezbjednosti.

Ako se gradnja iz bilo kojeg razloga obustavi na vrijeme duže od 3 (tri) mjeseca, komunalni inspektor može narediti da se ukloni skela i drugi materijal s javne površine .

Član 45.

Korisnik odobrenja za zauzimanje javne površine i neizgrađenog građevinskog zemljišta za potrebe gradnje, dužan je najkasnije u roku od 24 (dvadeset četiri) sata po završetku radova obavijestiti Službu za urbanizam i Službu za inspeksijski nadzor da mu zauzeta površina nije više potrebna.

Služba za inspeksijski nadzor pregledat će korišteni prostor i ako ustanovi da postoji kakvo oštećenje, naredit će korisniku odobrenja da izvrši dovođenje korištenog prostora u prvobitno stanje, o svom trošku.

Član 48.

Za istovar ogrjeva, te za piljenje i cijepanje drva prvenstveno se koristi kućni prostor, odnosno vlastito zemljište.

U slučaju potrebe može se koristiti javna površina, ali tako da se ta površina ne oštećuje i da se ne ometa saobraćaj vozila ili pješaka s tim da se istovarena drva moraju se složiti okomito na rub, tako da se spriječi rušenje.

Radovi iz prethodnog stava ove Odluke mogu se vršiti od 1. marta do 30. aprila i od 1.oktobra do 30. novembra tekuće godine.

Drva i slični moraju se ukloniti najkasnije u roku od 5 (pet) dana, od dana zauzimanja javne površine, a upotrebljena površina mora se odmah očistiti od piljevine i drugih otpadaka.

Zabranjeno je cijepanje drva i drugi slični radovi na javnim saobraćajnim površinama.

Na području SRC „Babanovac“ se zabranjuje korištenje uglja kao energenta i ogrijeva.

4. Odlaganje zemlje i otpadnog građevinskog materijala

Član 49.

Izvođač radova je u obavezi višak zemlje iz iskopa i otpadni građevinski materijal odlagati na za to predviđenu lokaciju (deponija za krupni otpad) koju utvrđuje Općinsko vijeće Travnik, na prijedlog Službe za urbanizam.

Pri iskopu mora se odvojiti plodna zemlja (humus) i odvoziti na posebnu lokaciju (deponija plodne zemlje) koju utvrđuje Općinsko vijeće Travnik, na prijedlog Službe za urbanizam.

Do lokacija iz stava 1. i 2., prilaz mora biti izgrađen na savremeni način kako bi se spriječilo iznošenje blata i zemlje na javnu saobraćajnu površinu.

Izvođač građevinskih radova prilikom odlaganja zemlje i otpadnog građevinskog materijala dužan je pridržavati se uputstva o načinu korištenja deponije, koje donosi preduzeće koje upravlja deponijom.

Zemlju i otpadni građevinski materijal, odložen izvan predviđenih lokacija, uklonit će Služba za ZIK, na osnovu naloga komunalnog inspektora, o trošku izvođača radova.

5. Reklamne poruke na javnoj površini

Član 50.

Predmeti čija je svrha oglašavanje i isticanje reklamnih poruka (u daljnjem tekstu: predmeti), u smislu ove Odluke su predmeti projektovani ili proizvedeni tipski, koji materijalima, obradom i oblikom zadovoljavaju kriterije tehničkih i tehnoloških standarda i koji su postavljeni u skladu s izgledom zgrade i okoline, a to su:

1. reklamne ploče, reklamne konstrukcije, reklamni uređaji, jarboli za zastave, transparenti, reklamni natpisi isl.,
2. oglasne ploče, oglasni stubovi i oglasni ormarići.

Predmeti iz stava 1. ovoga člana moraju se održavati čistim, urednim i ispravnim, a po potrebi trebaju biti i osvijetljeni, a dotrajale predmete treba obnoviti, zamijeniti ili ukloniti.

Svaki kvar na svijetlećem natpisu ili reklami mora se otkloniti najkasnije u roku od 8 (osam) dana.

Troškove održavanja, čišćenja, zamjene i uklanjanja ovih predmeta snosi njihov vlasnik odnosno korisnik.

Postavljanje predmeta iz stava 1. ovog člana može se vršiti samo na osnovu pribavljene urbanističke saglasnosti od strane Službe za urbanizam.

IV. ODRŽAVANJE ČISTOĆE I ČUVANJE JAVNIH POVRŠINA

Član 51.

Pod javnim površinama u smislu ove Odluke smatraju se javne saobraćajne površine i javne zelene površine.

Član 52.

Pod održavanjem čistoće i čuvanjem javnih površina u smislu ove Odluke smatra se:

- čišćenje javnih površina
- određivanje mjera za čuvanje javnih površina.

Član 53.

Održavanje čistoće javnih površina osigurava Općina Travnik.

Čišćenje javnih površina obavlja SRC „Vlašić“ u skladu sa Programom održavanja čistoće javnih površina i Programom održavanja javnih zelenih površina, koje donosi načelnik Općine Travnik, na osnovu usaglašenog prijedloga Službe za ZiK i SRC „Vlašić“.

U cilju poboljšanja estetskog izgleda SRC „Babanovac“, mjesec maj se utvrđuje kao „mjesec unapređenja estetskog izgleda SRC „Babanovac“, kao oblik šire javne akcije uređenja ovog područja.

1. Javne saobraćajne površine

Član 54.

Radi očuvanja javnih saobraćajnih površina zabranjeno je:

- bilo kakvo oštećenje javne saobraćajne površine ili objekata i uređaja koji su njihov sastavni dio,
- izvođenje radova bez odobrenja nadležnog organa.

Uslovi i način prekopavanja javne saobraćajne površine određuju se rješenjem nadležne općinske službe.

U suprotnom će Služba za inspekcijски nadzor izdati rješenje za obustavu radova koji se izvode bez odobrenja i dovođenje javne saobraćajne površine u prvobitno stanje.

Član 55.

Pravno i fizičko lice koje obavlja djelatnost u objektima uz javne površine dužno je svakodnevno dovesti javnu površinu u čisto i uredno stanje, ako zbog njihove poslovne i druge djelatnosti dolazi do prljanja prostora oko njihova objekta.

Vlasnik ili korisnik sportskog i rekreacionog objekta, zabavnog parka i igrališta, organizator javnog skupa i zakupoprimac javnih površina, obavezan je osigurati čišćenje prostora koji služe kao pristup tim objektima, tako da ti prostori budu očišćeni u roku od 24 (dvadeset četiri) sata po završetku priredbe, odnosno radnog vremena tih objekata.

Član 56.

Na javnoj saobraćajnoj površini, ovlašteno preduzeće za pružanje komunalnih usluga postavlja korpe za otpatke za odlaganje otpadaka od prolaznika.

Korpe uz poslovne, trgovinske, ugostiteljske i uslužne objekte za prikupljanje otpadaka iz tih djelatnosti osigurava i održava vlasnik, odnosno korisnik poslovnog objekta u skladu sa proizvedenim količinama otpada.

Posuda, odnosno korpa za otpatke mora biti izgrađena od prikladnog materijala i estetski oblikovana, a tip iste određuje ovlašteno preduzeće za pružanje komunalnih usluga.

Za postavljanje posuda, odnosno korpi za odlaganje otpadaka mogu se upotrebljavati stupovi, zidovi kuća, ograde uz pločnike i slobodnostojeća postolja.

Zabranjeno je postavljanje posuda, odnosno korpi za otpatke na stubove na kojima se nalaze saobraćajni znakovi i stubove za isticanje zastava, te na drugim mjestima gdje narušava izgled naselja, objekata ili ometaju saobraćaj.

Preduzeće koje vrši komunalne usluge u obavezi je najkasnije u roku od 30 (trideset) dana nakon donošenja ove Odluke dati preporuku korisnicima usluga o vrsti i veličini posude za smeće koju su obavezni nabaviti u zavisnosti od proizvedenih količina otpada.

Član 57.

Na javnu saobraćajnu površinu ne smije se ostavljati ni bacati bilo kakav otpad ili na drugi način se prljati, a posebno se zabranjuje:

- bacanje i ostavljanje izvan korpe i drugih posuda za smeće raznog otpada, kao i druge radnje kojima se prljaju javne površine,
- bacanje gorućih predmeta u korpu ili drugu posudu za smeće,
- odlaganje građevinskog i otpadnog materijala na javnu površinu bez odobrenja nadležnog tijela, kao i postavljanje predmeta, naprave i mašina, koji mogu ozlijediti ili uprljati prolaznika,
- popravak, servisiranje i pranje vozila na javnoj površini,
- ispuštanje otpadnih voda,
- oštećenje korpi za smeće i drugih posuda koje su namijenjene za odlaganje komunalnog otpada,
- paliti otpad,
- obavljanje bilo kakvih radnji ili njihovo propuštanje kojima se prlja javna saobraćajna površina.

Član 58.

Ovlašteno preduzeće koje obavlja djelatnost odvoza komunalnog otpada i pročišćavanja otpadnih i atmosferskih voda dužno je redovno održavati i čistiti kanalizacijske odvode radi osiguranja od plavljenja javno-saobraćajnih površina.

Član 67.

Zabranjeno je svako prljanje, te crtanje i štampanje na javnoj saobraćajnoj površini, kao i sve radnje koje ugrožavaju bezbjednost saobraćaja.

Član 59.

Vozilo koje sudjeluje u saobraćaju ne smije prljati javnu saobraćajnu površinu.

Vozilo koje prevozi tekući ili rasuti materijal, mora imati ispravne uređaje iz kojih se materijal ne smije prosipati niti isticati.

Vozilo koje prevozi papir, sijeno, slamu, piljevinu, lišće i sl. mora se prekriti ceradom ili na drugi način osigurati da materijal ne prosipa po javnoj saobraćajnoj površini.

2. Javne zelene površine

Član 60.

Javnom zelenom površinom u smislu ove Odluke smatra se:

1. park, park-šuma, šetalište, drvored, živica, cvjetnjak, travnjak, posuda sa ukrasnim biljem, rekreacijska površina,
2. zelena površina uz objekte, spomenike, dječja igrališta, te sporski objekti,
3. zelena površina duž saobraćajnice (javne i nerazvrstane ceste, te drugi prilazi i prolazi),
4. skupina ili pojedinačno samoniklo stablo, posebno zaštićen nasad rijetko i hortikulturno vrijedno, kao i drugo zelenilo čije je održavanje od javnog interesa.

Član 61.

Zaštićenom zelenom površinom u smislu ove Odluke smatraju se zelene površine predviđene kao takve regulacionim planovima koji tretiraju područje SRC „Babanovac“.

Član 62.

Održavanje i zaštitu javnih zelenih površina na području SRC „Babanovac“ obavlja SRC „Vlašić“, preduzeće kojem su povjereni ti poslovi.

Javna zelena površina mora se redovno održavati, tako da svojim izgledom uljepšava naselje i služi svrsi za koju je namijenjena.

Održavanjem javne zelene površine ne smije se mijenjati projekat prema kojem je izgrađena.

Član 63.

Pod održavanjem javne zelene površine smatra se:

1. obnova biljnog materijala,

2. podrezivanje stabala i grmlja,
3. okopavanje i pljevenje grmlja i živice,
4. košenje trave,
5. gnojenje i prehranjivanje biljnog materijala koje raste u nepovoljnim uslovima (drvoredi i slično),
6. ukljanjanje otpadnog granja, lišća i drugih otpadaka,
7. održavanje posuda s ukrasnim biljem u urednom i ispravnom stanju,
8. preventivno djelovanje na sprečavanju biljnih bolesti, uništavanje biljnih štetočina, te kontinuirano provođenje zaštite zelenila,
9. održavanje pješačkog puta i naprava na javnoj zelenoj površini (oprema) u urednom stanju (farbanje, popločavanje i popravka klupa, posuda, odnosno korpi za otpatke i sl.),
10. postavljanje zaštitne ograde od prikladnog materijala, odnosno živice na mjestima ugroženim od uništavanja,
11. postavljanje ploča s upozorenjima za zaštitu javne zelene površine,
12. obnavljanje, a po potrebi i rekonstrukcija zapuštene javne zelene površine,
13. skidanje snijega sa grana ukrasnog grmlja
14. uređenje i privođenje namjeni neuređene javne zelene površine.

Član 64.

Vlasnik zgrade, vlasnik ili korisnik poslovnog objekta, škole, zdravstvene ustanove, i slično, obavezan je osigurati obnovu, uređivanje, održavanje i zaštitu zelene površine na zemljištu koje pripada objektu, odnosno zelenim površinama koje su u okviru ograđenog okoliša objekta.

Vlasnik ili korisnik zgrade s ograđenim okolišem, a kojim je onemogućen slobodan pristup i korištenje tog okoliša od strane drugih građana, obavezan je obezbijediti održavanje i zaštitu zelene površine na zemljištu koje služi redovnoj upotrebi i predstavlja okoliš zgrade.

Ukoliko lice iz stava 1. i 2. ovoga člana ne ispuni obavezu održavanja i zaštite zelene površine, učinit će to Služba za zajedničke i komunalne poslove na prijedlog Službe za inspekcijski nadzor, a na trošak lica iz stava 1. i 2. ovog člana.

Član 65.

Pri obavljanju građevinskih radova izvođač je dužan poduzimati sljedeće mjere s ciljem sprječavanja prljanja javnih površina:

- očistiti javnu površinu oko gradilišta od svih vrsta građevinskog i drugog materijala, blata i slično, a čije je taloženje na javnim površinama posljedica građevinskih radova,

- polijevati trošni materijal za vrijeme rušenja građevinskog objekta kako bi se spriječilo stvaranje blata i prašine,
- čistiti ulične slivnike u neposrednoj blizini gradilišta,
- deponovati građevinski materijal u okviru gradilišta tako da se ne ometa saobraćaj i slobodno oticanje vode i da se materijal ne raznosi po javnim površinama.

V. SKUPLJANJE, ODVOZ I POSTUPANJE SA SKUPLJENIM KOMUNALNIM OTPADOM

Član 66.

Komunalni otpad čine stvari koje je pravno ili fizičko lice odbacilo ili odložilo, ili ih namjerava odbaciti ili odložiti.

Komunalni otpad je otpad iz kuća i drugih objekata, otpad koji nastane čišćenjem javnih površina i otpad sličan otpadu iz kuća, koji nastaje u privredi, ustanovama i uslužnim djelatnostima.

Krupnim otpadom u smislu ove Odluke smatra se otpad koji nastaje u stambenim objektima (kućanski aparati, pokućstvo, sanitarni uređaji i slično).

Tehnološki otpad je otpad koji nastaje u ustanovama i uslužnim djelatnostima, a po količinama, sastavu i svojstvu razlikuje se od komunalnog otpada.

Član 67.

Općinsko vijeće osigurava provođenje mjera za postupanje s komunalnim i krupnim otpadom u skladu s posebnom odlukom.

Član 68.

Poslove organizovanog prikupljanja i odvoza komunalnog i krupnog otpada na području SRC „Babanovac“, vrši preduzeće SRC „Vlašić“.

SRC „Vlašić“ utvrđuje Plana skupljanja i odvoza komunalnog i krupnog otpada, i sa istim je u obavezi upoznati korisnike komunalnih usluga.

Član 69.

SRC „Vlašić“ je u obavezi osigurati dovoljan broj posuda za komunalni otpad.

Broj posuda za odlaganje otpada utvrđuje Služba za ZiK, poslove na prijedlog SRC „Vlašić“.

SRC „Vlašić“ je u obavezi održavati posude u tehnički i sanitarno ispravnom stanju, a zabranjeno je odlaganje komunalnog otpada izvan posuda.

Član 70.

Lokacije za postavljanje posuda utvrđuje Općinsko vijeće Travnik, na osnovu prijedloga Službe za urbanizam.

Lokacija na kojoj se izvrši postavljanje posuda za komunalni otpad, mora biti adekvatno uređena.

Posude se moraju postaviti tako da ne ugrožavaju bezbjednost saobraćaja, da su osigurane od pomjeranja i da su dostupne vozilu za odvoz komunalnog otpada.

Član 71.

Pravno ili fizičko lice obvezno je koristiti uslugu odvoza komunalnog otpada i postupati s otpadom na način određen ovom Odlukom i propisima o otpadu.

Za usluge sakupljanja i odvoza komunalnog otpada korisnici usluga plaćaju odgovarajuću naknadu .

Visina naknade se utvrđuje na osnovu Kriterija za utvrđivanje visine cijene komunalnih usluga.

Kriterije donosi Općinsko vijeće, na prijedlog Nadzornog odbora SRC „Vlašić“.

Davalac usluga i korisnik usluga Ugovorom utvrđuju međusobna prava i obaveze.

Korisnik usluge dužan je iz kućnog otpada izdvojiti otpad, koji se može reciklirati (papir, staklo, plastika, metal i drugi korisni otpad) i odložiti ga u posudu namijenjenu toj vrsti otpada, čim se za to stvore uslovi.

Krupni otpad se odlaže na za to predviđeno mjesto, a odvoz istog vrši SRC „Vlašić“ na za to predviđenu lokaciju.

Član 72.

U posude za komunalni otpad zabranjeno je odlagati opasni i tehnološki otpad, otpadni građevinski materijal, otpad iz klaonica, mesnica, ribarnica, leševe životinja, akumulatore, auto- gume, električne baterije, granje, otpad iz vrta, žar, te tekuće i polutekuće tvari.

Član 73.

Posude za komunalni otpad je zabranjeno oštećivati, po njima crtati i pisati, lijepiti plakate, te premještati s obilježenog mjesta.

Član 74.

Nije dozvoljeno parkiranje vozila na mjestima gdje se onemogućava pristup specijalnom vozilu za odvoz komunalnog otpada.

Član 75.

Preduzeće je dužno pri skupljanju i odvozu komunalnog otpada, preduzimati mjere zaštite javnih površina i mjere higijenske zaštite, te se pridržavati propisa o otpadu i zaštiti okoline.

Mehanizacija preduzeća koja se koristi u te svrhe (kamioni,bageri i dr), ne može biti locirana u užem centru SRC „Babanovac“.

VI. UKLANJANJE SNIJEGA I LEDA

Član 76.

Uklanjanje snijega i leda s javnih cesta obavlja ovlašteno preduzeće kojem su povjereni poslovi zimskog održavanja puteva na osnovu Pravilnika o održavanju javnih cesta („Službene novine Federacije BiH“, broj 48/03) i Operativnog programa zimskog održavanja.

Zimsko održavanje se u pravilu vrši od 15.11. tekuće godine do 15.3. naredne godine.

Poslove zimskog održavanja cesta koje su predviđene Operativnim programom zimskog održavanja vrši izvođač radova koji bude izabrana, nakon provedene procedure u skladu sa Zakonom o javnim nabavkama.

Član 77.

Uklanjanje snijega i leda s drugih javnih površina kao što su autobusna stajališta, javna parkirališta, sportski objekti i objekti javnih institucija, obavljaju pravna lica koja upravljaju tim površinama, odnosno koja te površine i objekte koriste.

Dio trotoara koji se nalazi ispred stambenog ili poslovnog objekta dužan je čistiti od snijega i leda vlasnik ili korisnik toga poslovnog objekta, na način da se uklanjanjem ili posipanjem soli ili drugih zakonom dozvoljenih materijala, osigura siguran i nesmetan prolaz pješaka.

O uklanjanju snijega i leda s trotoara ili površine uz kiosk ili pokretnu napravu dužan je brinuti se vlasnik odnosno korisnik kioska ili pokretne naprave.

Snijeg i led na prilazu individualnim i kolektivnim stambenim i poslovnim objektima, kao i snijeg sa drveća pokraj tih objekata koje izlazi na javne saobraćajne površine i površine koje služe za kretanje ili zadržavanje pješaka, dužni su očistiti vlasnici ili korisnici tih objekata.

Vlasnici ili korisnici objekata iz prethodnog stava dužni su odmah nakon prestanka padavina očistiti snijeg na pješačkim stazama odnosno dijelu ulice za pješake gdje ne postoje staze, cijelom dužinom svog objekta, u širini koja je potrebna za nesmetan prolaz pješaka.

Snijeg i led s krovova objekata na kojima je to moguće, dužni su čistiti vlasnici ili korisnici tih objekata.

Vlasnici ili korisnici stambenih ili poslovnih objekata dužni su na krovovima imati ugrađene snjegobrane.

Vlasnici ili korisnici stambenih ili poslovnih objekata koji se grade ili su u ruševnom stanju obavezni su, pored čišćenja snijega i leda sa krovova i postavljanja snjegobrana, postaviti i znakove upozorenja, radi osiguranja bezbjednosti pješaka.

Član 78.

Snijeg se s javnih saobraćajnih površina uklanja kontinuirano u cilju stalne prohodnosti u rokovima propisanim Operativnim programom .

U slučajevima većih snježnih padavina van perioda iz stava 2. člana 76. ove Odluke, načelnik Općine može na prijedlog Službe za ZiK angažovati izabrane izvođače na uklanjanju padavina.

Član 79.

Izabrani izvođači radova na zimskom održavanju puteva dužni su da:
1. osiguraju normalno odvijanje saobraćaja i kretanje pješaka na javnim saobraćajnim površinama prema prioritetima iz Operativnog programa zimskog održavanja,
2. posipaju trotoare i kolovoz dozvoljenim posipnim materijalom.

Izabrani izvođači radova na poslovima zimskog održavanja, odgovorni su za štetu nastalu trećim licima, zbog neispunjavanja obaveza koje su predviđene ugovorom.

Pravno ili fizičko lice koje obavlja uklanjanje snijega i leda s javne površine dužno je osigurati da se materijal kojim je posipana javna površina ukloni u roku od 8 (osam) dana od otapanja snijega ili leda.

Mehanizacija preduzeća koje obavlja poslove uklanjanja snijega i leda, a koja se koristi u te svrhe (kamioni, bageri i dr., kao i pijesak i so za posipanje) ne može biti locirana u centru SRC „Babanovac“.

VII. UKLANJANJE BESPRAVNO POSTAVLJENIH PREDMETA

Član 80.

Predmeti koji su na javnoj i drugoj površini, na zgradama ili objektima postavljeni suprotno odredbama ove Odluke smatraju se bespravno postavljenim predmetima.

Komunalni inspektor rješenjem će narediti uklanjanje predmeta postavljenog ili smještenog suprotno odredbama ove Odluke.

Član 81.

Napušteno vozilo kao i vozilo bez registarskih oznaka, građevinski materijal i drugi predmeti ostavljeni na javnim površinama duže od 15 (petnaest) dana, uklonit će se o trošku vlasnika.

Akontacija troškova osigurava se iz općinskog Budžeta.

Vlasnik vozila, građevinskog materijala i drugih predmeta dužan je preuzeti iste u roku od 30 (trideset) dana, od dana uklanjanja, uz podmirenje nastalih troškova.

Ako vlasnik ne preuzme vozilo ,građevinski materijal i druge predmete, isti se prodaju na javnom nadmetanju radi podmirenja nastalih troškova premještanja i skladištenja (čuvanja) i troškova prodaje.

VIII. SANITARNE MJERE UREĐENJA NASELJA

Član 82.

U svrhu zaštite zdravlja, u toku godine obavlja se obavezno 2 (dva) puta sistematska dezinfekcija, dok se sistematska deratizacija javnih površina obavlja 1 (jedan) put godišnje.

Pod pojmom sistematske dezinfekcije podrazumijeva se prskanje ili zamagljivanje odgovarajućim sredstvima u cilju uništavanja muha, komaraca i drugih insekata.

Pod pojmom sistematske deratizacije podrazumijeva se postavljanje odgovarajućih mamaca za uništavanje štakora i drugih glodara, te prikupljanje i odstranjivanje uginulih životinja.

Obim, način, vrijeme i ostali uslovi obavljanja sistematske dezinfekcije i deratizacije, utvrđuje se godišnjim programom, kojeg utvrđuje načelnik Općine.

Za ostale otvorene prostore, troškove obavezne sistematske dezinfekcije i deratizacije snosi korisnik tog prostora.

Preduzeće ili ustanova kojoj su povjereni poslovi dezinfekcije i deratizacije dužno je prije početka radova obavijestiti građane i vlasnike privrednih i drugih objekata o početku i završetku izvođenja tih radova.

Radovi na dezinfekciji i deratizaciji ne mogu se vršiti u periodima zimske i ljetnje turističke sezone.

IX . USLUGE VODOSNABDJEVANJA I UPRAVLJANJA OTPADNIM VODAMA

1.Usluge vodosnabdijevanja

Član 83.

Javnim vodovodima na području SRC „Babanovac“ upravlja SRC „Vlašić“ na način predviđen Zakonom o vodama.

Način upravljanja održavanja i korištenja mjesnih vodovoda bit će regulisan posebnom odlukom.

Član 84.

Kućnom vodovodnom mrežom u smislu ove Odluke smatraju se instalacije, uređaji i oprema za snabdijevanje vodom iz javnog vodovoda iza ugrađenog mjernog uređaja.

Kućnu vodovodnu mrežu održava vlasnik objekta ili potrošač.

Član 85.

Korisnici usluga iz javnih vodovoda obavezni su plaćati naknadu za korištenje usluga vodosnabdijevanja.

Cijena usluge vodosnabdijevanja se utvrđuje na osnovu Kriterija koje donosi Općinsko vijeće Travnik na prijedlog Nadzornog odbora komunalnog preduzeća SRC“Vlašić“d.o.o. Travnik.

Član 86.

Komunalno preduzeće koje upravlja javnim vodovodima dužno je da:

1. redovno i neprekidno osigurava dovoljnu količinu higijensko ispravne vode za piće,
2. stalno kontroliše kvalitet i zdravstvenu ispravnost vode za piće, a u skladu sa propisima i standardima za pitku vodu,
3. održava u ispravnom stanju objekte, uređaje i vodovodnu mrežu javnog vodovoda,
4. vodi propisanu evidenciju o objektima i uređajima javnog vodovoda u obimu i na način kako je propisano posebnim propisima i standardima,

5. u slučaju prekida snabdjevanja vodom za piće i druge namjene blagovremeno obavijesti potrošače o uzrocima prekida, kao i o roku otklanjanja smetnji,
6. kod rekonstrukcije ili velikih opravki vodovodnog objekta najmanje 24 (dvadeset) sata ranije obavijesti potrošače o prekidu snabdjevanja vodom, putem sredstava javnog informisanja, a neposredno zdravstvene ustanove,
7. u slučaju prekida snabdjevanja vodom za piće više od 4 (četiri) sata potrošače snabdjeti pitkom vodom putem cisterni o svom trošku,
8. predlaže i preduzima mjere u slučaju nestašice vode za piće u ograničenju ili zabrani trošenja i njihovo sprovođenje.
9. u periodu zimske turističke sezone svakodnevno osigurava dežurnu službu u cilju hitnog otklanjana eventualnih kvarova.

Član 87.

Komunalno preduzeće, dužno je sa potrošačem vode zaključiti ugovor o pružanju usluga isporuke vode, kojim će se regulisati uslovi priključenja na javnu vodovodnu mrežu, način plaćanja usluga i ostala međusobna prava i obaveze.

Član 88.

Komunalno preduzeće ima pravo i dužnost, da:

1. vrši očitavanje potrošnje sa vodomjera,
2. isključi potrošača sa javne vodovodne mreže ako je priključak izvršen bez odobrenja, kod otkaza potrošnje vode zbog većeg kvara ili smetnji na kućnoj vodovodnoj mreži, nepropisnog skloništa, ograničenja potrošnje vode i drugim slučajevima propisanim ovim i drugim odlukama i propisima, ili ako ne plati račun za izvršene usluge 3 (tri) mjeseca,
3. pregleda kućne vodovodne objekte, uređaje i instalacije u prisustvu vlasnika, potrošača ili njegovog predstavnika, a u slučaju utvrđivanja kvara, odnosno nekontrolisane potrošnje,
4. ugrađuje i održava mjerne uređaje,
5. otvara i zatvara ulične ventile radi snabdjevanja vodom za piće stanovništva jedne ulice ili naselja.

Vlasnik, suvlasnik odnosno korisnik kućne vodovodne mreže, vodovodnih objekata, dužan je omogućiti komunalnom preduzeću, obavljanje poslova iz stava 1. ovog člana.

Član 89.

Izvori, bunari i bazeni moraju biti propisno izgrađeni i zaštićeni od vanjskog zagađivanja i moraju imati zaštitnu zonu, koju određuje posebnom odlukom Općinsko vijeće (širina zaštitne zone, udaljenost stambenih, poslovnih i gospodarskih objekata, , deponija smeća, septičkih jama, đubrišta i pristup stoke) nakon donošenja Zakona o vodama SBK/KSB.

Član 90.

U cilju održavanja, korištenja i zaštite vodovodnih objekata, uređaja i instalacija, zabranjeno je:

1. vršiti priključak na javnu vodovodnu mrežu bez odobrenja,
2. zatvarati ili otvarati ulične ventile na vodovodnoj mreži,
3. koristiti vodu sa javnih hidranata, osim vozila Vatrogasne jedinice, koja će korištenje vode i vodovodnih objekata naknadno prijaviti preduzeću ili pravnom licu koje upravlja vodovodnim sistemom,
4. koristiti vodu za piće u druge svrhe za vrijeme ograničenja potrošnje vode,
5. spajanje na kućni priključak ispred vodomjera i preprodaja vode u cilju sticanja imovinske koristi,
6. nepravilno održavanje skloništa za vodomjer.

2. Upravljanje otpadnim vodama

Član 91.

Kanalizacija se dijeli na javnu i kućnu kanalizaciju.

Javnom kanalizacijom smatra se primarna i sekundarna mreža, uređaji i objekti na njoj, a koja obuhvata mrežu kolektora sa ulaznim šahtovima i slivnicima, mrežu sekundarnih kanala sa ulaznim šahtovima i ulaznim slivnicima, crpna mjesta, uređaji za čišćenje, kanalizacioni priključci i drugi uređaji i objekti na mreži.

Kućna kanalizacija obuhvata sve ostale komunalne objekte i uređaje i to vertikalne i horizontalne za odvođenje i taloženje otpadnih voda a koji se nalaze unutar objekta i pripadajuće parcele.

Član 92.

Upravljanje i održavanje javne kanalizacije vrši komunalno preduzeće SRC „Vlašić“.

Služba za urbanizam u saradnji sa komunalnim preduzećem dužna je uspostaviti katastar javne kanalizacije u roku od 1 (jedne) godine od dana stupanja na snagu ove Odluke.

Član 93.

Saglasnost za priključak na javnu kanalizaciju na zahtjev vlasnika objekta daje komunalno preduzeće iz člana 92.ove Odluke

Dužnost je svakog vlasnika ili korisnika objekta da nakon što završi sve radove na kućnoj kanalizacionoj mreži i parceli koja pripada objektu izvrši uplatu priključka na javnu kanalizacionu mrežu.

Preduzeće koje upravlja javnom kanalizacijom dužno je izvršiti priključak na javnu komunalnu mrežu onih objekata koji su izvršili obaveze iz stava 1. i stava 2.ovog člana.

Član 94.

Zabranjeno je odvoditi ili bacati u javnu kanalizaciju:

- 1.industrijske otpadne vode bez prethodnog prečišćavanja i neutralisanja,
- 2.smeće,krupni otpad,pijesak,zemlju,pepeo i slične materije koje utiču na funkcionalnost javne kanalizacije.

Član 95.

Izuzetno na područjima na kojima ne postoji kanalizaciona mreža, vlasnik objekta dužan je sagraditi nepropusnu septičku jamu prema uslovima građenja izdanog od nadležnog općinskog organa i istu koristiti do stvaranja mogućnosti priključenja na kanalizacionu mrežu.

Ocjenu stvorene mogućnosti za priključak na kanalizacionu mrežu daje preduzeće koje pruža komunalne usluge.

Čišćenje septičkih jama obavlja ovlašteno komunalno preduzeće u skladu sa sanitarno tehničkim uslovima, a na zahtjev vlasnika septičke jame.

Vlasnik septičke jame dužan je na vrijeme zatrziti od ovlaštenog isporučitelja komunalne usluge čišćenje jame kako ne bi došlo prelijevanja, a time i onečišćavanja okoline i platiti čišćenje.

X. SAOBRAĆAJ NA SKIJALIŠTIMA

Član 96.

U periodu zimske sezone (od 01.12 tekuće godine do 01.03. naredne godine), saobraćajnice i parking prostori koji se u ovom periodu koriste kao staze, odnosno lokacije za zimske sportove, prilazne staze za ski-liftove, ski-staze u cjelini kao i djelovi ski-staza su zabranjeni za saobraćaj motornih vozila, osim vozila koja su namjenjena za održavanje staza i saobraćajnica.

Motorne sanke, osim službenih motornih sanki, mogu da se koriste samo na stazama i površinama koje su posebno obilježene za korištenje motornih sanki i na javnim putevima unutar ski centra koji ne pripadaju uređenim ski stazama.

Na korištenje motornih sanki na skijalištu, obaveze postupanja u slučaju nesreće, mjere bezbjednosti u pogledu vozača i druga pitanja koja se tiču korištenja motornih sanki na skijalištu, primjenjuju se propisi koji se odnose na motocikle i bezbjednost saobraćaja na putevima.

Vozač motornih sanki ne smije vozilom da se kreće na ski-stazi brzinom većom od 40 km/h.

Obilježavanje saobraćajnica iz stava 1.ovog člana na kojima se u periodu od 01.12. do 01.03. ne smije odvijati saobraćaj, vrši Služba za ZIK na prijedlog Službe za urbanizam.

XI. MJERE ZA PROVOĐENJE ODLUKE

Član 97.

Nadzor nad provođenjem ove Odluke provodi Služba za inspekcijski nadzor Općine Travnik putem općinskih građevinskih, komunalnih i saobraćajnih inspektora.

Član 98.

Općinski inspektor je u provođenju ove Odluke ovlašten:

- rješenjem narediti fizičkim i pravnim osobama radnje u svrhu održavanja komunalnog reda,
- predložiti podnošenje zahtjeva za pokretanje prekršajnog postupka,

- izdati prekršajni nalog,
- okloniti predmete kojima je počinjen prekršaj

Član 99.

Općinski inspektor u obavljanju poslova iz svoje nadležnosti dužan je pridržavati se zakona, ove odluke i drugih propisa.

Općinski inspektor obavlja poslove nadzora samostalno u ime Općine Travnik, postupa i donosi akte u okviru dužnosti i ovlaštenja određenih ovom Odlukom i drugim propisima.

Poduzimanje mjera za provođenje komunalnog reda na području SRC „Babanovac“ smatra se hitnim i od javnog interesa za Općinu .

Član 100.

Fizičko i pravno lice dužno je nadležnom inspektoru omogućiti nesmetano obavljanje nadzora, a naročito pristup do prostorija objekata, naprava i uređaja, dati lične podatke, kao i pružiti druga potrebna obavještenja o predmetu nadzora

Ako nadležni inspektor u svome radu naiđe na otpor, može zatražiti pomoć od Ministarstva unutarnjih poslova SBK/KSB - Policijske uprave Travnik.

XII. KAZNE NE ODREDBE

Član 101.

Novčanom kaznom u iznosu od 1.000,00 – 2.000,00 KM kaznit će se za prekršaj pravno lice koje obavlja komunalnu djelatnost, usluge održavanja javne rasvjete, usluge zimskog i redovnog održavanja puteva i usluge gradskog prevoza, ako:

1. ne održava u stanju funkcionalne sposobnosti klupe, klupe za otpad, opremu dječjih igrališta, stajališta javnog gradskog saobraćaja , spomenike i skulpture, orijentacijske planove općine i druge slične predmete ili objekte koji predstavljaju urbanu opremu (član 18. stav 1. Odluke),
2. ako uređenje i održavanje javnih parkirališta vrši suprotno članu 21. Ove Odluke,
3. ne održava redovno javne površine u skladu sa članom 27. i članom 28. ove Odluke,
4. ne održava objekte i uređaje javne rasvjete u stanju funkcionalne sposobnosti (član 44. stav 6. ove Odluke),
5. ne čisti javne površine u skladu sa programom održavanja čistoće javnih površina (član 62. stav 1. Odluke),
6. ne održava posude za otpad u tehnički i sanitarno ispravnom stanju (član 73 . stav 3. Odluke),
7. ako ne osigura dovoljan broj posuda za kućni i drugi otpad (član 73. Odluke),
8. posude za otpad smjesti izvan odobrenih mjesta (član 74 .ove Odluke),

9. ne odvozi redovno komunalni otpad na način utvrđen Planom (član 79. stav 1. Odluke),
10. pri sakupljanju i odvozu otpada ne poduzima mjere zaštite javnih površina (član 80. Odluke),
11. snijeg i led ne ukloni s javne površine ili ga nepravovremeno ukloni (član 81. stav 1. i 2. Odluke i član 82.Odluke),
12. u roku od 8 (osam) dana ne ukloni materijal kojim je posipana zaleđena javna površina (član 83. stav 3. Odluke).
13. ako mehanizaciju za održavanje javnih površina locira suprotnu stavu 4. člana 83. ove Odluke
14. ako u slučaju prekidanja snabdijevanja vodom za piće ne postupi u skladu sa tačkom 7. člana 90. Odluke,
15. ako javnim vodovodima upravlja suprotno članu 90.Odluke
16. ako izvore, bazene i bunare ne izgradi i zaštiti u skladu sa članom 93.ove Odluke

Novčanom kaznom u iznosu od 500,00 kaznit će se i odgovorno lice u pravnom licu koje učini prekršaj iz stava 1. ovog člana.

Član 102.

Novčanom kaznom u iznosu od 500,00 -1.000,00 KM kaznit će se za prekršaj pravno i fizičko lice ako:

1. predmete iz člana 4. stava 1. i 2. ove Odluke ne održava urednima, čistima i u stanju funkcionalne sposobnosti (član 4. stav 3. ove Odluke),
2. ne obilježi zgradu kućnim brojem (član 6. stav 4. ove Odluke),
3. vanjske dijelove zgrade ne održava urednima i čistima (član 7. stav 1.i stav 3. ove Odluke)
4. nedovršenu građevinu ne uredi na način predviđen stavom 4.i stavom 5.člana 7. ove Odluke
5. vanjske uređaje i opremu izvan gabarita zgrade ne postavi tako da ne ometa pješački promet i preglednost u saobraćaju (član 7. stav 2. ove Odluke),
6. crta, šara ili na drugi način prlja i nagrđuje vanjske dijelove zgrade (član 8. ove Odluke),
7. ne održava i ne uređuje okućnicu zgrade odnosno okoliš poslovnog prostora i građevinsko zemljište, te ogradu do javne površine tako da ne ometa korištenje te površine (član 9. stav 1. i 2. ove Odluke),
8. na nekretninama vidljivim s javne površine uskladištava i odlaže građevinski i drugi krupni otpad (član 9. Stav 3. ove Odluke),
9. ne podrezuje zelenilo zasađeno u dvorištu koje svojim granama prelazi na javnu površinu tako da ometa prolaz pješaka i vozila, preglednost saobraćaja i turističke i saobraćajne signalizacije i javne rasvjete (član 9. stav 4. ove Odluke),

10. privatni posjed ogradi suprotno članu 10.Odluke ili postavi ogradu na javnoj površi ili ogradi javnu površinu (član 10. ove Odluke),
11. ako u roku od 8 dana ne ukloni kvar na svijetlećem natpisu ili reklami (član 12. ove Odluke)
12. izlog u poslovnom prostoru ne održava urednim i čistim te ga ne osvjetli i primjereno dekoriše (član 13. stav 1. ove Odluke),
13. ne istakne državnu zastavu za dane državnih i općinskih praznika (član 13. ove Odluke),
14. zastave, prigodne natpise i ukrase postavljene na zgradama i druga namjenska mjesta ne ukloni u roku od 24 sata nakon prestanka prigode radi koje su postavljeni (član 23. ove Odluke),
15. bez odobrenja koristi uređaje javne rasvjete za postavljanje predmeta čija je svrha isticanje reklamnih poruka (član 16. ove Odluke),
16. ošteti rasvjetna tijela i uređaje javne rasvjete (član 17. ove Odluke),
17. urbanu opremu iz člana 18. stav 1. ove Odluke uništi, ošteti ili je uprlja ili nagrđi (član 18. stav 2. ove Odluke),
18. ako postavi hemijski montažni WC (član 19. ove Odluke)
19. ako ne istakne vozni red u skladu sa odredbama člana 20. ove Odluke
20. ako ogradu uz javnu površinu ne održava u skladu sa članom 24. ove Odluke,
21. predmete iz člana 4. stava 2. ove Odluke ne postavi isključivo na lokaciji ,pod uslovima a i na način određen rješenjem Službe za urbanizam,građenje,katastar i imovinsko-pravne poslove (član 30. ove Odluke),
22. na javnu površinu postavi posudu s ukrasnim biljem bez odobrenja Službe za urbanizam,građenje,katastar i imovinsko-pravne poslove (član 32. stav 1. ove Odluke),
23. ne održava i na obnavlja posudu s ukrasnim biljem postavljenju uz odobrenje na javnu površinu (član 32. stav 2. Odluke),
24. bez odobrenja Službe za urbanizam,građenje,katastar i imovinsko-pravne poslove unutar javne zelene površine postavlja električne, telefonske, vodovodne, kanalizacijske i plinske vodove, odnosno ako ne uspostavi prvobitno stanje javne zelene površine u određenom roku (član 33. stav 1. Odluke),
25. ako postupi suprotno odredbama člana 34. ove Odluke
26. se ne pridržava odredbi člana 35. ove Odluke
27. ako sa zelene površine ukloni stablo ili grane suprotno stavu 1. Člana 40. ove Odluke,
28. ako organizator priredbe ili skupa u roku od 48 sati po završetku priredbe odnosno skupa ne očisti javnu površinu (član 42. ove Odluke),
29. ako vrši prodaju na otvorenim prostorima suprotno članu 49. i članu 51. ove Odluke.

30. ako obavlja građevinske radove mimo odredbi člana 52.ove Odluke
31. bez odobrenja Službe za urbanizam,građenje,katastar i imovinsko-pravne poslove a na javnoj površini iskrcava, smješta i ukrcava građevinski materijal, podiže skele i obavlja slične radove u građevinske svrhe (član 53. ove Odluke),
32. ne obavijesti Službu za urbanizam,građenje,katastar i imovinsko-pravne poslove i Službu za inspekcijski nadzor o završetku radova u roku od 24 sata (član 55. stav 1. ove Odluke),
33. javnu površinu ne dovede u prvobitno stanje (član 55. stav 2. ove Odluke),
34. javnu površinu koristi za iskrcaj i smještaj drva i ogrjeva suprotno odredbama člana 56. Ove Odluke,
- 35.ako koristi ugalja kao energent i ogrijev (član 56 ove Odluke)
- 36.ako iskrcaj ogrjeva,piljenje i cijepanje drva vrši suprotno odredbama člana 56.stav 2.,3.i 4.(član 56,stav 2,3,i 4. Ove Odluke)
- 37.ako poslove iskrcaja ogrjeva,piljenja i cijepanja drva vrši van termina utvrđenih članom 56.ove Odluke,
38. javnu površinu koristi za ukrcaj i iskrcaj robe suprotno odredbama člana 57. ove Odluke,
39. svakodnevno ne čisti dio javne površine koji se onečišćuje obavljanjem djelatnosti u njenom objektu uz javnu površinu (član 63. ove Odluke),
40. se ne pridržava odredbi člana 65. ove Odluke,
- 41.ako vrši prevoz suprotno članu 68.ove Odluke
42. odbije uslugu odvoza komunalnog otpada (član 75. stav 1. ove Odluke),
43. s otpadom postupa suprotno odredbama člana 75. stava 6. i 7. ove Odluke,
44. u posude za otpad odlaže opasni i tehnološki otpad, otpadni građevinski materijal, otpad iz klaonica, mesnica, leševe životinja, akumulatore, autogume, električne baterije, granje, otpad iz vrta, žar te tekuće i polutekuće tvari (član 76. stav 1. ove Odluke),
45. odlaže otpad izvan posuda (član 76. stav 2. ove Odluke),
46. oštećuje posude za otpad, po njima crta i piše ili ih premješta s obilježenog mjesta (član 77. Ove Odluke),
47. parkira vozilo na način da onemogućí pristup specijalnom vozilu za odvoz otpada ili onemogućí odvoz otpada na drugi način (član 78. ove Odluke),
48. ne čisti snijeg i led u skladu sa odredbama člana 83. stava 1., 2. i 3. Odluke i člana 81.ove Odluke
49. na javnoj površini ostavi motorno i drugo vozilo u nevoznom stanju (bez registarskih oznaka),građevinski materijal i druge predmete (član 85. Ove Odluke),
- 50.ako komunalnom preduzeću onemogućí obavljanje poslova iz stava 1. Člana 92. Ove Odluke,

51. ako postupa suprotno članu 94.ove Odluke

52.ako ne izvrši uplatu priključka na kanalizacionu mrežu u skladu sa stavom2 .člana 97. ove Odluke,

53.ako postupi suprotno stavu 3.člana 97. ove Odluke,

54.ako postupa suprotno članu 98.ove Odluke

53.ako vrši saobraćaj suprotno članu 100.ove Odluke

Novčanom kaznom u iznosu od 300,00 KM kaznit će se i odgovorno lice u pravnom licu koje učini prekršaj iz stava 1. ovog člana.

Novčanom kaznom kaznit će se i investitor i izvođač radova koji učine prekršaj iz tačke 39.stava 1.ovog člana.

Član 103.

Za prekršaje propisane odredbom člana 92.. stav 1. i člana 93. ove Odluke komunalni inspektor je ovlašten da kad utvrdi postojanje Zakonom propisanih uslova, za izdavanje prekršajnog naloga, naplatiti novčanu kaznu u visini od KM od počinitelja prekršaja odmah, bez prekršajnog naloga, a uz izdavanje potvrde.

XIII. PRELAZNE I ZAVRŠNE ODREDBE

Član 104.

Sve što nije regulisano ovom Odlukom a tiče se komunalnog reda primjenjuju se odredbe Odluke o komunalnom redu („službene novine Općine Travnik“ broj 18/09).

Član 105.

Ova Odluka stupa na snagu osmog dana od dana objave u „Službenim novinama Općine Travnik“.

Broj: OV- _____ /10

Datum: _____2010.god.

PREDSJEDAVAJUĆI

OPĆINSKOG VIJEĆA TRAVNIK

Travnik

Ljupko Sučić

O b r a z l o ž e n j e:

I

Pravni osnov za donošenje ove Odluke je član 8. Zakona o principima lokalne samouprave („Službene novine F BiH“, broj 49/06) i član 3. Zakona o komunalnim djelatnostima („Službeni list SR BiH“, broj 20/90), kao i član 3. Odluke o komunalnom redu („Službene novine općine Travnik“, broj 18/09), gdje je navedeno da je komunalna djelatnost izvorna nadležnost jedinice lokalne samouprave i da se navedena oblast uređuje propisima Općine.

II

Uvažavajući činjenicu da ne postoji Zakon o komunalnim djelatnostima na nivou SBK/KSB te da je Zakon o komunalnim djelatnostima SR BiH, koji se trenutno primjenjuje na području na SBK/KSB jako kratak i ne sadrži bitne odredbe koje bi u potpunosti definisale ovu oblast, a da je Vlašić u strategiji razvoja predviđen kao područje od posebnog interesa potrebno je donjeti posebnu odluku o komunalnom redu za područje Vlašića.

III

Nacrt Odluke sadrži X poglavlja:

1. Opće odredbe

Ovdje je definisan predmet Odluke, površine na koju se ista primjenjuje i područje na kojoj se primjenjuje.

2. Uređenje naselja

U ovom poglavlju definisano je način uređenja naselja, postavljanja komunalnih objekata i uređaja, privremeno zauzimanje javnih površina, javna rasvjeta, uređenje grada i ostalih naselja za posebne prilike itd.

3. Korištenje javnih površina

U ovom poglavlju definisan je način korištenja, javnih saobraćajnih, javnih zelenih i ostalih javnih površina. Takođe su definisane obaveze Općine Travnik u ovoj oblasti.

4. Održavanje čistoće i čuvanje javnih površina

U ovom poglavlju definisan je način održavanja čistoće i čuvanja javnih površina

5. Skupljanje, odvoz i postupanje sa skupljenim komunalnim otpadom

U ovom poglavlju definisane su obaveze aktivnosti u oblasti prikupljanja, postupanja i deponovanja komunalnog otpada

6. Uklanjanje snijega i leda

U ovom poglavlju definisan je način zimskog održavanja cesta i ulica

7. Uklanjanje bespravno postavljenih objekata

U ovom poglavlju propisan je način uklanjanja bespravno postavljenih objekata na javnim površinama

8. Sanitarne mjere uređenje naselja

U ovom poglavlju definisan je način provođenja sistematske dezinfekcije i deratizacije

U ovom poglavlju definisane su nadležnosti i ovlaštenja inspektora i komunalno ekološke kontrole

9. Usluge vodosnabdjevanja i upravljanja otpadnim vodama

U ovom poglavlju propisan je način vršenja usluga vodosnabdjevanja i upravljanja otpadnim vodama

10. Saobraćaj na skijalištima

Propisan je način korištenja skijališta

11. Mjere za provođenje odluke

U ovom poglavlju definisana su ovlaštenja inspektora

12. Kaznene odredbe

U ovom poglavlju predviđene su kazne za pravna i fizička lica u slučaju nepostupanja po odredbama ove Odluke

13. Prelazne i završne odredbe

Ovdje je definisano vrijeme stupanja na snagu ove Odluke

IV

Za provođenje ove Odluke trebat će finansijska sredstva iz Budžeta Općine Travnik za slijedeće :

1. Finansiranje troškova električne energije i održavanja javne rasvjete
2. Finansiranje Programa održavanja čistoće javnih površina i javnih zelenih površina
3. Finansiranje troškova zimskog i redovnog održavanja puteva

POMOĆNIK NAČELNIKA

Abid Drobo, dipl.ing.saob.